

ուր ուրեմն յամեն 1847. ՚ի ներքոյ բերդին է աւանն աղեւսակերտ, 100 տամբ կամ աւելի, յորս 40 տուն Հայոց և 25 Հրեից. որք թուին ՚ի գերութենէն զոր ան Բարդաւրան զօրավոր Տիգրանայ Բէ. և գամնին հանդրուանք նոցա ՚ի լերինս, որպէս և յարեմոից Պաշտպանի յ'8900՝ բարձու, և խաշնարածք են: — Յարեւելից հիւսիսոյ կայ հին մենաստան Հայոց Գոմ. Կոստանի կոչեցեալ յուղեորաց ոմանց, և այլ մե նաստան մերձ նմին. որոց մին անշուշտ է վանքն Բարեւելիցայ ՚ի ՀԱՌԱՄԱՆԿԵՐՏ քաղաքի հնում, ՚ի Բարձու կամ յԱրեւանս տեղւոյ նահատակութեան Առաքելուն Բրիտտոսի: — Զվայրօքս սպան յամեն 1829 Նուր Ուլաճ զգերմանացի ուղևորն հնախոյզ՝ զՇուլց որ նախ գաղափարեաց զբեկեազդր արձանս վանայ: Ոչ սակաւ Հայք բնակեն ՚ի կողմանքս, այլ և Հրեայք

ոչ սակաւք, որք թուին յամանց ՚ի հին գերութենէն Հրեից սերեալք, կամ ՚ի գերութենէն Տիգրանայ Բէ: — Հարաւային արեւելեան մասն Քրդաստանի՝ յարեմոից հարաւոյ ծովուն Որմիոյ՝ ՌԵՎԵՏԸԶ կոչի, և է գաւառ առանձին ընդ կուսակալութեամբ Մուսուլի, և կայ յերս սահմանաց աշխարհին Հայոց, Երբեմն ընդ սոցա ձեռամբ գրաւեալ ՚ի հնումս, և յաճախագոյն ընդ Ասորեստանեայց և Մարաց, և ապա Պարսից. և է նորա քաղաք համանուն պարսպապատ ՚ի բարձրաւանդակի յեզր վտակի միոյ Զապայ, իբր 1300 տամբք, և վեճակք նորա քրդաբնակք. յորոց ելից կան բարձրաբերձ և պարաւոր լերինք անջրպետք Օսմանեան և Պարսկական գաւառաց, ՚ի հընումս Զաբուս կոչեցեալ լերինք (12) և Նիհրաւան, առ որով ՆԻՅՈՐԱԿԱՆ Երկիր մարդ Հայոց:

Պ Ա Ր Ս Ի Կ Հ Ա Յ Ա Ս Տ Ա Ն

101. Պարսից իշխանութեան մասնաւորեալ են ՚ի Հայաստան երկրէ մեծ մասն մի Ասսպուրական աշխարհի, ՚ի հիւսիսոյ արեւմոից. Պարսկահայք՝ ՚ի հարաւոյ նորին, և փոքր մի մասն Կորդուաց. որք ըստ օրինաց Պարսից բաժանեալք են ՚ի գաւառս կամ յիշխանութիւնս, զի գաւառապետքն՝ որպէս և նահանգապետքն նոցա խան կոչին. և թուին եօթն գաւառք լինել ՚ի մասինս Հայոց. զոր կոչեցուցք Հայկական Նահանգ Պարսից, և են Մակու, Սէկմանապատ, Խոյ, Մարանդ, Սպամաս, Իւշնէ և Ուրմիա: Միւս ևս նահանգ Պարսից ըստ մասնէ Հայոց իշխանութեան է Արտաաստական աշխարհ, որոյ մասն մի եւթ սեփականեալ էր մերոցս, որպէս խաղտեացն աշխարհ, արտաքոյ բուն սահմանացն Հայոց Մեծաց. այլ քանիչ չեն ճշդեալք, սահմանք կրկին պետութեանց՝ Հայոց և Պարսից՝ յայսմ կողմանէ, և զի ՚ի տեղագրի Պարսից աշխարհին ՚ի տիեզերագրութեան մերում՝ ՚ի բաց թողեալ էր մեր խոյառ զմեծ զայս նահանգ, հարկ կարևոր համարիմբ յիշատակել աստ զգլխաւոր տեղն նորին, թէ և սակաւ մի անցանիցեմք ըստ բնիկ սահմանս Հայոց:

Ա. ՀԱՅԿԱԿԱՆ ՆԱՀԱՆԳ ՊԱՐՍԻՑ

102. Հիւսիսային արեւմտեան ծայր Երկրին կայ ընդ մեջ Պայեզիտոյ յարեմոից, և հարաւոյ Մասեաց և Երասխայ յարեւելից, և մինչև ցգեան Պալք (80) սակաւածանօթ է Երկիր, և է վեճակ Մախուայ. այսպէս կոչեցեալ յանուն ՄԱԿՈՒ կամ Մախու քաղաքի որ ՚ի ձախմէ գետոյն. որոյ է բերդ կամ ամուր ահեղ և ընդարձակ քարայր, կարկառեալ ՚ի վերայ շէնին, որում բազում խնամով զգուշանան Պարսք, ոչ

ուսմբ թողեալ մասնել ՚ի ներքս. այս տեղն Ծախ Մախուայ կոչի ՚ի գիրս մեր, և թուի հնութեանց և արձանագրութեանց լինել ՚ի սմա: Աւանն կամ քաղաքն ՚ի ներքոյ բերդին կայ ՚ի զուռէջս լերին անջրացեալ վանս բնակչացն Հայոց գաղթելոյ ՚ի Ռուսս, և քայքայեալ ՚ի սասանութենէն Արարատոյ յամեն 1840: Ի հնումս ՅԿԷ և ՄՏՄԶ գաւառք էին յերկրի սսա, և ՇՄԵՐՇԵՍ գաւառ և քաղաք էր զլխաւոր, ուր հովանոցք և զօրանխտք թագաւորացն Հայոց, և ապարանք Սանարկոյ, թերևս ՚ի նոյն իսկ Քիսաճման Մակուայ. անդ կատարեցաւ հանգէս նահատակութեան քրիստոսահարաւէր առաքելոյն Հայոց թաղէի և Կուսին արքայդասեր Սանգիտոյ. մինչև ցայսօր ուխտատեղի են վանք թաղէոյ բազում Ժամոք ՚ի հիւսիսոյ Մակուայ առ դետեղերն ՚ի ձորամիջի, որ կոչի և Ծործոր կամ Կեծուխանուն գեղջ մերձակայն. յորմէ Ծործորեցի կոչեցաւ Յովհաննէս Երզնկացի, որ գաղաթեր ՚ի սմա երբեմն առ Զաքարիայի առաջնորդի սորա. պատուի ընդ նմին և Սանգիտոյ շիրիմն ՚ի մատան միում: Կրկին սրբազան է տեղին և անդ յուրութեամբ Երկրորդի առաքելոյն Հայոց՝ սրբոյն Գրիգորի Լուսաւորչի, վանս որոյ և աթոռ մեծի արքեպիսկոպոսի կարգեցաւ ՚ի նախնեաց անտի: Միւս ևս անդամ հռչակապանծ գաւառ վեճակ արիական և մեծահռչակ նահատակութեամբ վարդանանց յամեն 451 ՚ի նմին Շառուխի գաւառի որ և Աւարայր կոչի, յեւելց հիւսիսոյ Մակուայ, զեղերքք Տղմուս գետոյ, որ թուի Արշալու վտակ խառնեալ յերասիս, կայ անդ և լճակն Արշալու: Այլ աւաղ, զի ոչ որ ցարդ հետախուղեաց և ետ ծանօթս ճշգրիտս զցանկալ վայրացն, յորում կրծք և հայրենիք միաբանեալ գործս սխրալիս կատարեցին յաւուրան անդ հարստութեան Հայոց: